



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Festis SS. mense Iunio. 8.

urn:nbn:de:hbz:466:1-9521

qui addidit Homilia cum Euangelio, & Lectiones secundi Nocturni ampliauit in laudem Domitillæ, instante Cardin. Baronio, qui pridie transtulit in Ecclesiã eorundem, & Titulum suum, corpora trium primorum, Anno 1597. reliquum officium est Gregorianum. Si occurrat hoc festum in Fer. 2. Rogat. congruit legi nonam lectionem cum octaua; in ea enim agitur de Sanctis. Si venerit extra tempus Paschale, quia transfertur, mutantur Antiphonæ, & Responsorias; non tamen dicitur: *Hæc est vera fraternitas*: quia non sunt omnes fratres. *Vide Sect. 9. cap. 6. num. 9.* Missa dicitur cum orationibus, & Euangelio proprijs vt in communi extra tempus Paschale.

14 Bonifacij. in Breuiario Vaticano vol. 4753. Cum nouem Lectionibus, in Breuiar. 1550. Cum duabus à Pio V.

16 Vbaldi à Cœlestino III. An. 1192. in Breuiario Vaticano vol. 4760. A Paulo Quinto, Duce Vrinate procurante, restitutum est Festum die 24. Septemb. quia hac die 16. creatus ille fuit Summus Pontifex, & huic seniori natus est filius, Anno 1605. Simplex in M. S. officium à Paulo V. editum est 17. Decembr. 1605.

19 Pudencianæ in Antiphonario Gregoriano, posterius tamen est Gregorio, ex Pamelio *ibidem*. Simplex in M. S. & 1550. officium Gregor.

25 Urbani. in Antiphonario, & Sacrament. sancti Gregor. sem. dupl. apud Microlog. cap. 43. Romæ tantum, Radulph. *proposit. 22.* Simplex in M. S. & 1550.

26 Eleutherij in Miss. Vatic. vol. 4743. simplex in M. S. 1550.

Philippi Nerij Confessoris. Ad libitum fieri potest Festum cum officio approbato, sub Urbano VIII. 6. Nouembr. 1625. Si fiat officium, in Lectione Martyrologij legatur primo loco. si transferatur, mutatur tertius versus Hymni: *Iste confessor.*

27 Ioannis Papæ. vt dictum est de præcedenti Eleutherio, sed hic dies translationis est. obiit enim die 21. & die 27. Romam fuit translatum corpus, ex Baron. *in Not. Martyrol.*

30 Felicis Papæ. In Appendice Gre-

gor. simplex in M. S. & 1550.

31 Petronillæ. in eadem Appendice. à Theutonicis, ex Radulph. *propos. 17.* simplex in M. S. & 1550. Lectionem dubiam de ea sustulit Clem. VIII. Ant. Gallonius optimè negat esse Petri filiam, nisi velis esse spirituales tantum.

De Festis Sanctorum mense Iunio.

Cap. V I I I.

2 Petri, & Marcellini. in Antiphonario, & Sacramentario Gregoriano. agebatur tamen Festum eorum, tempore sancti Gregorij in mense Decembri, nisi sit mendum in Codice eiusdem, in inscriptione Homil. 6. in Euangel. que habitasse dicitur in die natali ipsorum, *Domin. 3. Aduentus.*

Erasmi Romæ tantum, Radulph. *propos. 22.* & in Missali Vatic. *volum. 4743.* simplex in M. S. cum nouem Lectionibus in Breuiar. 1550. à Pio V. simplex. officium Gregor. sed, cur Erasmus ultimo loco? nam Episcopus est, & Martyr. fortasse, quia primi duo erant Romani, quibus & Constantinus Ecclesiam edificauit, ex Breu. in Festo Dedicat. Basilicæ Apostolorum 18. *Novembris.*

6 Norberti à Paulo V. 14. *Novembris* 1620. cum ritu Semidupl. & officio, die 30. *Martij* 1621. approbato à Sacra Rituum Congregatione, in lectione Martyrologij ponatur primo loco. si transferatur, mutatur tertius versus Hymni: *Iste confessor.* circumfertur Decretum Urbani VIII. Anni 1625. quo transfertur hoc Festum in diem 11. Iulij, sed idem Pontifex Anno 1631. declarauit, ab Ordine tantum Premonstratensi transferendum esse, non à reliquo clero.

9 Primi, & Feliciani. in Antiphon. & Sacram. Gregor. simplex in M. S. & 1550. officium Gregor.

10. Barnabæ. in Appendice Gregor. & ex generali consuetudine, Radulph. *proposit. 17.* semidupl. apud Durand. & Radulph. *locis cit.* Duplex in Breu. 1550. addidit Lectiones primi Noctur. Clem. VIII. auctore huius operis procurante

in

in honorem illius, à quo Barnabæ vocantur; qui item mutauit Euangelium cū Homilia, & declarauit esse Duplex maius. Si venerit ante Pentecostem, officium fit, vt temp. Pasch. Missa erit, vt in festo S. Marci, exceptis Orationibus, Epistola, & Euangelio, quæ dicuntur, vt in propria Missa.

12 Basilidis, &c. Primi tantum in Antiphonario Gregoriano: alio uero post Gregorium in Antiphonario fuisse positum officium Missæ, notat Pamelius. omnium uero simul in Sacrament. eiusdem habentur Orationes, quarum prima Ambrosiana est, sumpta de festo SS. Vitalis, & Agricola, mutatis nominibus.

13 Antonij Patauini, in Missali Vatic. vol. 4743, à Sixto V. restituitur, Anno 1586. cum 9. Lectionibus in MM. SS. quæ, vt initio dixerant Franciscana. Duplex à Sixto V. Semid. (vt olim) à Clem. VIII. officium à Sixto V. si transferatur, mutatur tertius uersus in Hymno: *Iste confessor*.

14 Basilij, obiit Calendis Ianuarij, & in ea die habetur Festum in Breuiario Vatic. vol. 4752. Alia Breuiaria habet in Octobri, vt in Vatic. vol. 4759. ordinatus dicitur anno 369. hoc mente, & die 14. ideo nunc communiter hac die celebratur. Simplex in Breuiar. edito 1550. Nouem Lectionem, à Clem. VI. vt in calce Martyrologij M. S. apud Fortunatum. Seacchum. Duplex cum officio à Pio V. In Hymno, *Iste confessor*, mutatur tertius uersus.

15 Viti, Modesti, &c. in calce Sacramentarij Gregor. Crescentie uero in Appendice Gregoriana. Simplex, in M. S. & 1550. officium Gregorianum. Oratio est Ambrosiana.

18 Marci, & Marcelliani, in Antiph. & Sacrament. Gregor. Simplex in M. S. & 1550. officium Gregor.

19 Gerasij, & Protasij, extat sermo S. Ambrosij, in Comite S. Hieron. habentur in Epistola, & Euangelium; & quia eo die conciliata pax fuit inter Imperatorem Romanum, & Regem Longobardorum, Sanctus Gregorius compo-

fuit Introitum Missæ huius Festi: *Laquetur Dominus pacem*, &c. Durand. lib. 7. cap. 13. & habetur in Antiph. Gregorian. Orationes autem in Sacrament. eiusdem. Simplex in M. S. & 1550. officium Ambrosianum est, ex Radulph. *proposu*. 19. sed non illud, quo nos utimur.

20 Siluerij in Missali Vatic. volum. 4743. à Greg. VII. ex Microl. cap. 43. Romæ tantum, ex Radulph. *proposu*. 22. Semid. ex Microl. cit. & in Breuiar. 1550. Simplex à Pio V.

22 Paulini in Appendice Gregoriana. Simplex in M. S. & 1550. vt hodie.

23 Vig. S. Io. Baptistæ. Bada meminit officium à Pio V. Oratio tamen antiquior in Sacramentario sancti Gregorij, officium Missæ in eiusdem habetur Antiphonario, & in Comite S. Hieron.

24 Natiuitatis Ioannis Baptistæ. Augustinus, & Maximus sermones habuere de hoc festo. Ordo Roman. meminit. Comes S. Hieron. Antiphonar. & Sacramentat. Gregorianum, in quo omnes habentur Orationes Missæ; sed prima est Ambrosiana, ex Pamelio. ab Aegyptijs celebratur, ex Cyrillo Alexandrino, ait Baron Anno 432. A Græcis etiã ex Manuele *tit. de Ferijs*. Duplex maius dicitur à Durando, & Radulpho *locis citat*. officium à sancto Gregorio. Hymni à Paulo Diacono, qui rauc edine impeditus sanitatem impetrauit, quam initio Hymni, qui ad Vesperas dicitur, postulauit, Durand. lib. 7. cap. 14. De artificio primæ strophæ vide *Sect. 5. cap. 6. pag. 55*. Amalar. *de Ord. Antiph. cap. 59*. notat, in hoc festo legi multa de Esaiâ, & Ieremiâ; quia Esaias de Ioanne prophetauit; Ieremias Ioanni fuit similis in sanctificatione. in tertio item Nocturno, addit, non dici, *Alleluia*, in Antiphonis, sicut in tertio Nocturno Apostolorum quia inquit, Natiuitas Ioannis extitit ante Christi Resurrectionem. Antiphona ad *Benedictus*, non impedit, quin inchoetur Canticum. *Benedictus*, à capite de more; quia Rubrica generalis loquitur de Antiphona quæ est eadem cum Canticum. at in

Anti-

Antiphona hæc deest, *Dominus*, ceterum accidit Natiuitas S. Io. in die Veneris, vt rectè colligit, ex Natiuit. Christi, Azor. par. 2. lib. 1. cap. 25.

26 Ioannis, & Pauli. in Comite S. Hieronymi, & Antiphonar. & Sacrament. Sancti Gregorij. Semidupl. in M. S. & 1550. nihil Durandus de iisdem officium Missæ habetur in Antiphonario Gregoriano, & Orationes item in Sacramentario, sed prima est Ambrosiana, de SS. Geruasio, & Protasio. Pius V. mutauit Euangelium, & addidit Homiliam. In 2. Vesperis adest ritus specialis contra Rubricam generalem de *Concurr. Offic. num. 4.* qui tamen ibidem significatur ijs verbis: *nisi aliter signetur*: & ratio est, quia fuerunt nobiles Romani. Vesperæ igitur secundæ erunt integræ de Sanctis. cur non primæ, nobiliores secundis? ita placuit Maioribus nostris. Si Festum hoc concurrat cum Dominica, aut transferatur, in secundis Vesperis sequere Rubricas generales de *Concurr. officij.*

28 Leonis. in Sacramentario Gregoriano, sed additum est post obitum Sancti Gregorij Semidupl. in M. S. & 1550. Durandus non habet. officium antiquius Pio V. qui Homiliam. addidit pro Vigilia Sanctorum Apostolorum, de qua vide supra in Vigilia Sancti Andrea. Vigilia meminit Hieronymus in Comite, seu Lektionario. officium Missæ eiusdem Vigiliæ legitur in Antiphon. Gregor. sed Orationes aliæ sunt in eiusdem Sacramentario. Prima tamè Oratio in eodem Sacramentario legitur in calce Missæ commemorationis S. Pauli, quæ deinde translata est in officium Vigiliæ. Pamelius eam collocat in Vigilia. si transferatur Festum, mutatur tertius versus Hymni, *Iste confessor.*

29 Petri, & Pauli. Ambros. sermones sex habuit. Comes S. Hier. habet Festum, & Ordo Roman. Senator autem Festus obtinuit maiorem Festi celebritatem ab Anastasio Imperatore, qui obiit Anno 518. ex Niceph. lib. 18. *Hist. cap. 39.* Manuel meminit *tit. de Ferijs.* Duplex maior apud Durand. Lektionen. primi No-

turni, vt in Ord. Romano. Hymno ad Vesperas additum fuit Pij V. iussu: *O Felix Roma. &c.* & ad Laudes, *Doctor egregie Paule.* quos tamen versus ego legi in Breu. M. S. Coll. Aniciani. reliquum officium à S. Gregorio, sicut & sequētis diei, ex Microl. cap. 42. diuisit enim sanctus Gregorius hæc Festa ad eorum maiorem cultum, Durand. lib. 7. cap. 15. Habetur officium Missæ vtriusque diei in Antiphonario, & Sacramentario S. Gregorij.

30 Commemoratio S. Pauli. à S. Gregorio, ex Ord. Romano. & Microl. *lococitat.* In Appendice Gregoriana vocatur, *Celebritas Sancti Pauli.* in Codice Pameliano, *Natale Sancti Pauli.* solebat, ait Baron. in *Noti Martyrolog.* summus Pontifex obire pridie Pontificias functiones in vtraque Ecclesia S. Petri, & S. Pauli. distantia vero locorum, consultius visum est, duobus diebus integrum de ijs agere Festum. Duplex minus est, apud Durand. lib. 7. cap. 1. legitur sermo S. Augustini, vt in Ord. Romano. de reliquo officio diximus præcedenti die, ex Microl. & habetur, vt supra dictum est, in libris Gregorianis.

Dices: cuius Classis est hæc S. Pauli Commemoratio? Respondeo: non est prima, nisi vbi est Patronus, vel Titularis. non est secundæ, quia admittit in Laudibus commemorationem de Octa. S. Io. non est duplex maior, quia non habet integras vtrasque Vesperas. non est duplex minus, quia Apostoli Festum est secundarium. est ergo vnica Classis: & vnico debentur vnica Paulo, ideoque Commemoratio nominatur, non Festum.

Si Transferatur in diem 4. Iulij, vt in Tabulis nostris, num. 34. ratione Octauæ Corporis Christi, vel in sequentem non impeditam Festo nouem Lektionum; totum officium à primis ad secundas Vesperas inclusiue fit, vt in propria Ecclesia, omissa commemoratione octauæ S. Ioannis, & ita decretum est in recognitione postrema Breuiarij, consideratis omnibus, quæ hinc inde adduci poterant, & S. Paulo fauendū erat in casu dubio. Quod autem sit aliquando transferenda hæc

Com-

Cómemoratio, habetur apertè in tit. 11. de Concurrentia officij num. 7. in ijs verbis: *excepta Octaua Corporis Christi concurrente cum Octaua S. Ioan. Baptiste, in qua de sequenti fit tantum commemoratio.* Non tamen ubique transfertur: nam in propria Ecclesia, vbi Commemoratio est primæ Classis, fit de S. Paulo cum cómemoratione Octauæ Corporis Christi tantum; ex Rubr. de Translat. Festorum 10. num. 1. in ijs verbis: *exceptis tamen Festis Natiuitatis S. Ioan. Bapt. & SS. Apost. Petri & Pauli, quæ in die Octaua Corporis Christi celebrantur.* & pro Festo intelligitur etiam, Commemoratio hæc sancti Pauli, in propria scilicet Ecclesia, vt ex officio patet, quod excludit in Laudibus commemorationem Octauæ S. Ioannis. Translata verò hac Commemoratio, tunc in die Octaua Corporis Christi fiet commemoratio in Laudibus, & 2. Vesperis, primò de Octaua S. Ioan. deinde de Octaua SS. Apostolorum, per Antiphonas, quæ dicuntur infra Octauam eorumdem, & Orationem communem ijsdem. Neque dicas fieri de Octaua sancti Pauli ante Festum illius per quatuor dies; 30. Iunij, 1. 2. & 3. Iulij: quia Festum eiusdem celebrari ceptum est cum S. Petro; quamquã sine proprijs S. Pauli Laudibus quæ habentur in Antiphonis, Lectionibus, & Responsorijs: quæ, & ideo (contrarium scripsit non nemo) non sunt omnino tacendæ.

Si dies 30. fuerit Sabbatum, in secundis Vesperis, quæ sunt in Antiphona Cómemorationis communes ambobus Apostolis, commemoratio Dominicæ fieri debet post Apostolos, non ante; quod malè notauit, & docuit recentior, non aduertens, quòd hæc secunda Vesperæ Duplices sunt, nobiliores Dominica.

De Festis Sanctorum Mense Iulio.

Cap. IX.

Octaua Sancti Ioannis: Beda meminit, & habetur in Missali Vati. 4743. inter maiores Octauas eam numerat Radulph. *propof. 19.* semidup. apud

Durand. *lib. 7. cap. 1.* & in Breuiar. 1550. Duplex à Pio V. & qui sermonem sancti Maximi addidit: si contingat non legi de Homilia sancti Ambrosij, quæ habetur in secunda, vel quarta die infra Octauam S. Ioan. ob Dominicam occurrentem infra eamdem, poterit legi, quod ommissum est, in die Octauæ, ad varietatē, & ad libitum, quod notauimus in Tabulis Ordinis nostri perpetui A. B. C. litterarum Dominicalium, & est conforme Rubricis Octauarij Romani.

2. Visitationis B. Mariæ. ab Urbano VI. anno 1389. à Bonifac. IX. publicatum est anno sequenti 1390. ex Bzouio anno eodem. extat Decretum in hoc Festo in Concilio Basiliensi Sessione 43. anno 1441. qua nimirum die finita est Visitatio Beatæ Mariæ in domo Elisabeth, vt ait Azor. *part. 2. lib. 1. cap. 2. questione 2.* Apud Ordinem Minorum celebratum fuit ab anno 1263. ex Annal. Min. Duplex in Breuiar. 1550. cum officio proprio; quod mutauit Pius Quintus, excepta Homilia. sed Clem. VIII. ferè totum, vt hodie habetur, completit; præsertim Antiphonas, & Responsorias; maiusque Duplex esse declarauit.

Processi, & Martiniani. in Antiphonario, & Sacramentario Gregoriano, sed post Gregorium. ait Patmelius. Simplex in M. S. Semidupl. in Breuiar. 1550. Pius V. restituit, vt olim.

4. Elisabeth. Officium est ad libitum ab Urbano VIII. eiusdem officij auctore, Semiduplex. Anno 1630. & si fiat, de ea legatur primo loco in Martyrologio.

6. Octaua Apostolorum. in Actis sancti Sebastiani in martyrio S. Tranquillini, de quo Martyrolog. hac die, Comes S. Hieron. meminit. S. Leo sermonem habuit in hac die, habetur etiam apud Bedam & Radulph. *propof. 19.* qui & appellat Octauam maiorem. Duplex minus, à Durand. *lib. 7. cap. 1.* & in Breuiar. 1550. Officium Gregorianum, ex Schultingio, & officium huius Missæ habetur in Antiphonario, & Sacramentario sancti Gregorij; sed Orationis auctor est Leo II. ex Durand. *lib. 7. cap. 15.* vel Leo IV. ex auctore